



UNIVERSITÄTS-
BIBLIOTHEK
PADERBORN

M. Ant. Mvreti Variarvm Lectionvm Libri XV

Muret, Marc-Antoine

Antverpiæ, M. D. LXXXVI.

Cap. 23. Locus è Miloniana cum duobus Demosthenis vno, altero Lysiæ comparatus.

[urn:nbn:de:hbz:466:1-70864](https://nbn-resolving.org/urn:nbn:de:hbz:466:1-70864)

Locus à Miloniana cum duobus Demosthenis vno,
altero Lysia comparatus.

CAP. XXIII.

CALLIDE & ingeniosè locutus est Cicero in Miloniana, cum illuc venisset, ut fatendum esset, Clodium à seruis Milonis occisum fuisse. nam qui prospiceret, rem ipsam per se odiosam esse (nemo enim ferè est, qui ad cædis mentionem non exhorrescat, & auerteretur eum, à quo illa perpetrata dicitur) noluit eam suo ac proprio nomine appellare; sed eam orationi suæ sententiam intexuit, quæ ad auertendum odium, & ad facinus ipsum excusandum cogitari potuit aptissima. *Fecerunt, inquit, serui Milonis, quod suis quisque seruos in tali re facere voluisset.* neque enim non satis ex eo intelligitur, occisum Clodium: sed asperitas rei tollitur, mitigatur quidem certè, cum cogitat quisque, se quoque idem facturum fuisse, si in tale discrimen incidisset. Omnes enim facillè ignoscant, cum quis quid fecit, quod ipsi quoque fecissent. Vnus est autem in re quidem & dissimili & dispari, sed tamen vsus est eadem sententia Demosthenes in oratione aduersus Midiam. Se enim dicit, contumelios affectum à Midia, id fecisse, quod eorum qui iudicabant quisque sibi faciendum esse duxisset. *Εγὼ δὲ ὅπως αὐτὸ ὑμῶν ἕκαστος ὑβριστεῖς παρείλετο πράξειν, τὸ αὐτὸς ἐποίησα.* Idem artificium adhibuit subtilissimus oratorum Lysias in oratione quam scripsit ei qui Eratosthenem quendam in vxore sua deprehensum occiderat, non enim aperte ac simpliciter dicit, eum à se interfectum, sed consecutum ea quæ legibus constituta essent in eos qui talia facienda facerent. *ἕτως, inquit, ὡς ἄνθρωπος ἐκείνου τέτων ἐπὶ χεῖρ, ὡς περὶ καὶ νόμος κελεύει τὸς τὰ τοιαῦτα πράττοντας.*

Illustrati

ut. Mureti
ria Lectiones
LII
25